

men corruptor testium non propterea perdit causam. Decius *ad c. 1. num. 13. Extr. de Testib.* Saltem ob corruptionem punitur, licet testibus corruptis postmodum non utatur, quia in corruptione æquæ attentatio corruptionis, quam corruptio ipsa punitur. Boerius *Decis. 300. num. 6. fol. 652.*

ARTIC. LXV.

Quibus de rebus testes deponere debeant.

Wie Zeugen sagen sollen.

Die Zeugen sollen sagen von ihrem selbst eigen wahren Wissen / mit Anzeigung ihres Wissen gründlicher Ursach. So sie aber von Frembden hören sagen würden / das soll nicht gnugsam geacht werden.

AD ARTIC. LXV.

ARGUMENTUM.

Testes ea, quæ ipsi sciunt, cum idonea sua scientiæ ratione deponere teneantur: quæ verò aliunde audita proferunt, pro legitimo & sufficiente testimonio non habentur.

EXEGESIS.

Tria sunt hujus articuli membra. 1. Quidnam testes dicere debeant? Ubi ante omnia notandum (1) Quod testes teneantur Jurare; nam absque juramento examinati non probant, ut proinde è testium depositione absque juramento facta, reus non convinci, nedum condemnari queat. *l. 18. C. de Testib.* Johann. Campeg. *de Testib. reg. 167. §. Testis. p. 658.* Inde Imperator loquitur generaliter, Jurisjurandi religione testes, priusquam perhibeant testimonium, jamdudum arctari præcepimus, *l. 9. C. de Testib. c. 39. & c. 51. Extr. cod.* quod non in civilibus tantum; sed etiam in criminalibus verum est, ut testi injurato fides non habeatur, etiamsi sit magnæ autoritatis homo, Johann. Crotus, *in Tract. de Testibus, part. 7. num. 1. pag. 527.* Et hoc juri divino esse conveniens, testatur idem Johannes Crotus, *part. 7. numer. 3. pag. 527. de Testib.* Unde nec statuto vel consuetudine id introduci potest, ut testi injurato in criminalibus credatur. *Brunnem. c. 8. membr. 2. num. 44. pag. 110. Proc. Criminal.*

Ff 3

Et hoc